

vnnfern sachen vnd Notturfftten gott dem allmächtigen wellen beuolhen haben. Weiter bewilligen wir für vnnß vnd vnnser erben. Nachdem wir Vnnser Mergklichñ sachen vnd Notturfftten in schullden gewachsen darumben wir dann verschriben. das vnnser yeder derselben schulden vnnnder vnnsern pettschadten bekrefftigt ain Schrift nemen sulle. das wir solh schulden was ainem yeden tayl zubezalen gebürt. mitainander trewlich vnd auf das surderlichest bezalen sullen vnd wellen. wo sich aber vnnnder vnnß ainer oder mer vber angezaygte schulden. aussere der annndern wissen oder verwilligungunng. Verrere in schulden gäb. derselb soll sein schulden fur sich selbs bezaln vnd den annndern an Zrer erbainigungunng vnd aufzaignung an schadñ sein.

Wir bewilligen auch. fur vnnß. vnnser erben. Das wir all vnnser teycht wie die genannt vnd wo die gelegen sein nichts hierjanne außgeslossen, trewlich mit ainander Wischen Pawen besetzen vnd mit annder Notturfft wie wir dann die byßher gehalten versehen.

vnd was Fierlich auß solhen teychten auß dem Wischuerkauff geuellt soll klerlich in ain Registier gebracht vnd in Summa bezaikennt werden sullen vnd wellen wir die Wischnecht vnd annder arbeiter, die bey solhen teychten gearbaitt. bezalln. Das vbrig gelt was die Raittunng bringen wirdet trewlich vnd vetterlich mitainander tayln. Es sullen auch die teychtmaister Teychtschreiber vnd annder So mit den teichten in einnemen vnd außgeben vnd in annder wege zuhandln haben yedemtayl gelobt sein ongeuer.

Damit aber dise erbainigungunng vnd außzaignung von vnnß allen vnd vnnsern erben vnd nachkömen es sein manns oder frauenpild. von vnnserm gebluet namens vnd Stamens eelich geborn. nu suro Stät vnd vnzerbrochen gehalten werde. Desßhalben wir vnnß obgenannt. Cristoff Gram Georg vnd Hertneyd gebrieder vnd Vettern von Liechtenstain von Nicolspurg zusamen veraint vnd verpunden vnd tun das hiemit wisseutlich mit dem brieue fur vnnß vnnser erben vnd nachkömen. Solhem allen gennzglich nachzuleben vollziehen vnd halten bey vnnsern warn ayden vnd trewen. Dauon wir vnnß noch vnnser erben absoluiern Lassen sullen noch wellen.

Es soll auch kainer vnnser mündlich erb in vnnser verlassene güeter eingesetz noch zuegelassen werden. er hab dann dem elttisten vnnserß namen vnd Stamen weltlichß stannbes vor diser erbainigungunng vnd außzaignung für sich vnd sein erben gelobt vnd versprochen zuhalten. Ob aber sach wär das wir vnnser mündlich erben vnnserß Stamens vnd namens. eelich geborn. mit tode all abgiengen. das got der allmechtig genediglich verhüetten welle. So sullen alßdann vnnser güeter erblich vallen auf vnnser negt frunnde vnd erben vnd sunnst wie sich das nach ordnung der Recht oder Lanndßprauch vnd gewonnhait gebürt. alles getrewlich vnd vngueuerlich.

Vnd zu Glaublicher Brkund des brieues vnnnder vnnser vorbenannten Cristoffn Gram Georgen vnd Hertneiden gebrieder vnd vettern von Liechtenstain von Nicolspurg yedes anhangunnden Insignl bewart. Vnd zu gezewgnüss vnd merer besetzungunng haben wir mit vleysß gebeten Die Wolgeborn herrn herrn Ludwigen von Starhennberg, Herrn Hannsen von Buchaim von Horn erbruggfless in östereich, Herrn Hannsen von Zelking vnnser lieb Swäger Vetter vnd frunnde, das Sy Zre Insignl zugezewgnüss der sachen an disen brieff gehanngen haben Doch In Zren erben vnd Insigneln onschaden ongeuer. Geben zu Nicolspurg Sunntags Reminiscere in der vassien Nach Cristj gebürde. Im fünffzehnhundertistñ vnd vierden Jaren.

L. S.

Cristoff von Liechtenstain

L. S.

Gram vo. Liecht stain vo. Nicolsp.

L. S.

Jorg vo. Liechtestain vo. Nicolsp.

L. S.

Hartman vom Liechtestai. Ludvic vo. Starhempe.

L. S.

L. S.

... ns von Buchaim

L. S.

S. Hannsen Herr von Zelking.